


寶女所問經

籍
第
四

百
三
殷
四

47799



皇
 日
 增
 輝
 佛
 舍
 輪
 常
 轉
 帝
 漸
 顯
 昌
 重
 脩
 山
 城
 天
 安
 寺
 法
 金
 剛
 院
 置

寶女所問經卷第四

殷

西晉三藏竺法護譯

三十二相品第九

於是寶女問世尊曰唯然大聖今所何謂如
來至真有三十二大人之相前世宿命行何
功德而致逮得三十有二大人之相徧布于
體佛告寶女吾往昔行無量德合集衆行
如來由是逮得三十有二大人之相徧布于
體今粗舉要如來之相足安平立大人相者
乃往古世堅固勸助而不退轉未曾覆蔽他
人功德故如來手足而有法輪大人相者乃
往古世興設若干種種施故如來至真指纖



長好大人相者乃徃古世則說經義救護衆
生令無患故如來手足生網縵理大人相者
乃徃古世未曾破壞他人眷屬故如來手足
柔軟微妙大人相者乃徃古世而以惠施若
千種衣細奩服故如來而有七合充滿大人
相者乃徃古世廣設衆施供諸乏故如來之
腴平正無節膾腸如鹿大人相者乃徃古世
奉受經典不違失故如來之身其陰馬藏大
人相者乃徃古世謹慎己身遠色欲法故如
來之身頰車充滿猶如師子大人相者乃徃
古世廣修淨業修行備故如來至真常於匈
前自然萬字大人相者乃徃古世蠲除穢濁

不善行故如來支體具足成就大人相者乃
徃古世施以無畏安慰人故如來手脰長出
於腠大人相者乃徃古世人有所作佐助勸
故如來身淨而無瑕疵大人相者乃徃古世
奉行十善無猷足故如來腦戶充滿弘備大
人相者乃徃古世其有病者若干種藥瞻視

療故如來師子步大人相者乃徃古世植衆
德本具足備故如來四十齒白大人相者乃
徃古世志性等仁於衆生故如來牙齒無有
間踈大人相者乃徃古世設人諍鬪令合
故如來頷牙大人相者乃徃古世則以微妙
可意之物而與施故如來清白美好髮眉大

人相者乃往古世善自護己身口心故如來
廣長舌大人相者乃往古世所言至誠護口
之過故如來豐豐大人相者以無量福供養
究竟心行仁和與衆生願使得覆蓋故如來
梵聲哀鸞之音大人相者乃往古世言語柔
和與衆人言護口節辭無失數人聞其所語
無不悅故如來腫子紺青色大人相者乃往
古世常以慈目察衆人故如來之眼如月初
生大人相者乃往古世無麤暴志心性和順
故如來眉間白毫大人相者乃往古世咨嗟
歌誦閑居之德衆人行故如來頂上肉髻自
然大人相者乃往古世奉敬賢聖禮尊長故

如來肌體柔粟妙好大人相者乃往古世心
念合集法器藏故如來身形紫磨金色大人
相者乃往古世多施衣服卧具牀故如來之
體一一毛生大人相者乃往古世離於集會
衆鬧之故如來之毛上向右旋大人相者乃
往古世尊敬於師受善友教稽首從故如來
頭髮紺青色大人相者乃往古世愍傷群黎
不以刀杖而加害故如來之身平正方圓無
有阿曲大人相者乃往古世已身衆生勸化
安之令定意故如來之脊如大鈎鎖善有威
曜巍巍之德大人相者乃往古世爲諸正覺
興立形像繕脩壞寺其離散者勸使和合施

無畏懼其諍訟者化令相順故汝欲知之吾
往世時行於無量不可計會衆德之本如來
宿世奉行如斯乃能致此三十二大人之相
也尔時寶女白世尊曰至未曾有天中之天
如來往古所造德本誠不可及而分別說者
佛之法佛告寶女如是如是如汝所言如來
則爲分別解說諸佛之法若有菩薩逮得聞
此如來往古所殖德本諸佛所講則獲善利
無極之慶即當歸趣於真諦行威能具足諸佛
之法佛說於斯如來十力四無所畏十八不共諸
佛之法及三十二大人之相法門品時十方世界
六返震動甚大光顯普照佛十不可計量不可

計會衆生之類皆發無上正真道意二万五千
菩薩得不起法忍天於虛空百千之衆而雨天
華鼓天上樂琴笛簫瑟舉聲歎曰其有衆人逮
得聞此如來十力四無所畏十八不共諸佛之法
三十二大人之相功德具足無有罪咎信樂不疑
行如上教則於大衆天上世間天人之前演師
子吼猶如今日如來至真等正覺矣天人之前
而師子吼矣所以者何斯正典者終不歸趣下
劣少信處於小乘衆人之手當歸清淨遵修
法者其人得此經典之要愛敬可意欣悅踊躍
寶女所問經法行品第十
於是寶女白世尊曰至未曾有天中之天如

來乃講往古去世一切德本諸佛正曲何謂
世尊菩薩所行遵修經典為行法乎善哉世
尊願說菩薩所行之法佛告寶女志性清淨
則為菩薩所行法也堅固親友則為行法有
返覆者則為行法能修加恩則為行法能忍
不罵詈則為行法又歸命者而不棄捐則為
行法其羸劣者能為忍辱則為行法所難致者
而能施與則為行法慈哀諸身則為行法志性
愍傷則為行法護於犯戒則為行法思惟經典
則為行法將順道教則為行法好樂正曲則為
行法將御諸經則為行法而順寂然則為行法
而樂獨一則為行法不厭閑居則為行法等於

屏處則為行法捨於衆會則為行法護於衆生
則為行法所覩無損則為行法專修慈心則為
行法入于大哀則為行法歡喜受法則為行
法觀於禪思則為行法興顯道心則為行法
歎大乘法則為行法棄捐重擔則為行法心
不怯弱則為行法思惟止足則為行法棄捐
貪餘多欲之慳則為行法知節賢聖有足之
德而少言辭則為行法無有諍訟鬪亂怨恚
忍辱仁和則為行法信知報應罪福之業則
為行法信戒聞施慚恥智慧順此七財則為
行法奉敬尊長順從善友恭禮受命則為行
法心常謙卑恭順自損則為行法不自毀身

不訾他人不歎己德不蔽他功則為行法蠲
除塵欲棄捐瞋恚及愚戇宜離於憍慢則為
行法威儀禮節所遵具足則為行法善聽經
典歡喜悅豫則為行法不離於佛篤信正典
敬從聖衆則為行法布施調意智慧出家淨
修梵行則為行法得利無利若譽若謗有名
無名若苦若樂不以動搖以過世間之所有
法則為行法若見親友及與怨敵先人問訊
面色和悅而無愁悴則為行法無有調戲離
於闇昧而無諛諂不為邪性而無瑕疵志性
本末究竟清淨則為行法而行四恩重施仁
愛利人等利一切合集救濟衆生則為行法

行堅固法則為行法念佛念法念於聖眾思
念布施念奉禁戒思念諸天則為行法施度
無極戒忍精進一心智慧所度無極則為行
法善權方便勸助一切眾德之本為諸菩薩
則為行法身口意淨護於十善則為行法非
常苦空而無有身無人無我無壽無命信解
如此則為行法分別空行建立無相曉了無
願在於三界而無所著則為行法意止音斷
遵修神足根力覺意而入徑路觀于寂寞則
為行法佛告寶女其行法者謂無有眼亦無
眼行無色想行無有耳行亦無聲行不想響
行無有鼻行亦無香行不想香行無有舌行

亦無味行不想味行無有身行無細滑行不
想細滑行而無意行亦無法行不想法行亦
無色行則為法行無色想行無色苦想無我
色行不寂色行則為行法非色空行非色無
相行則為行法非色無願行非色無造行亦
復非色恬怕之行亦復非色清淨之行亦復
非色如審之行亦復非色無色無生之行亦
復非色無起之行亦復非色無著之行亦不
究竟色之所行亦非於色無本為行是則行
法如是行法如是痛癢思想生死識行則為
行法非識無常行非識苦行非識無我行非
識寂行非識空行非識無相行非識無願行

亦復非識無造行亦復非識恬怕之行亦復
非識清淨之行亦復非識如審之行亦復非
識無所生行亦復非識無起之行亦復非識
無著之行亦復非識究竟盡行亦復非識無
本之行則為行法亦復非識觀空之行亦復
非識無相之行亦復非識無願之行是則了

殷

寶女經

四卷

六

董

法亦非四種行亦非諸入行亦非欲色無色
之行是則行法亦非有行亦非不行亦復無
行是則行法亦非往至亦非不行亦無處所
亦無所住則為行法無心意識之所行者則
為行法是者名曰為行法矣其無有見不聞
不知之所行者是為行法若使無身口心之

所行是為行法其不行法不行非法是為行
法若無二行無若干行是為行法無過去行
無當來行無現在行是為行法其無陰行無
諸種行無衆入行是為行法無欲塵行無有
結恨無所念行是為行法若無合行無財業
行無我人壽命行無有含血若有所受同像
之行是為行法其無發起分數之行是為行
法其無吾我無已所行是為行法無斷滅行
不計常行不得諸見崖底之行不倚中行是
為行法諸法若住若無所住吾我之法處所
自然其處非處清淨法處一切法處皆無有
處空無之處究本末處至竟無處一切諸法

無動無著不可盡極亦無所有亦無所行亦
無所輕戲亦無所依亦無不依亦無所住亦
無所受其於是法曉了慧者慧無所念是名
曰諦直諦無本則法之慧設使寶女菩薩如
是曉了諸法遊在生死開化衆生亦不違失滅
度之法斯爲菩薩等造法行世尊說此行法
之時八千菩薩逮得法忍

寶女所問經不退轉品第十七

於時寶女即以十億百千貴價珠纓貢上大
聖口宣斯言唯然世尊其有菩薩遵修奉行
順此法行者則具佛法悉能普備如茲受決
處佛道場降伏衆魔怨敵之讎以不退轉印

而印之當造斯觀時舍利弗謂寶女曰汝豈能知諸菩薩行不退轉印所可印乎於時寶女則以頌偈答舍利弗曰

人界及法界

審諦解平等

了斯無二際

則不退轉印

其過去諸佛

當來并現在

法界皆平等

逮成不退轉

諸所有境界

并無為之界

寂寞轉空義

覺成不退轉

本際無崖底

不得其邊畔

一時等能解

覺了不退轉

其有方俗法

如行之所趣

智慧觀平夷

覺了不退轉

如魔之境界

佛界則平等

相應為一類

以是印見印

其姪怒癡者

欲塵不可限

覺了諸想著

達解不退轉
等解於滅度
道陰無有二
計於四種者
真印而見印
若眼道如是
道虛常平均
衆生之所念
斯故不退轉
于彼度無極
無斷無所任
虛空尚可盡

生死及無爲
覺了不退轉
分別猶如幻
猶如虛空界
覺眼則爲道
以等上平等
當作是了知
一心悉知之
一切群萌根
逮成不退轉
億劫中誦說
風尚可執持

道教則寂然
五陰道如之
明喆無思想
曉了無可取
解空無所著
諸入皆如是
以此印見印
則無所罣礙
卑劣妙中間
辯才無罣礙
其法不可盡
彼明辯才慧

則不可盡極

名德不違心

導師所說法

於過去千劫

善學於揔持

智慧及諸根

無著無所拔

虛空印諸法

以印不退轉

因緣則非真

猶如虛空相

一切衆生行

揔持行如此

不失于博聞

皆得于揔持

所聞大聖法

斯等揔持然

逮成不退轉

以印印於空

清淨無所有

諸因緣法無

諦相一切法

以是相印之

色聲之禮節

攬攝一切法

其十方諸佛

慧心念不忘

次問真諦教

辯才亦如是

以空印諸法

故曰不退轉

曉了此本際

因緣其惟行

諸法相猶幻

印於不退轉

一時普能規

覺了不退轉
供養虛空界
懷來致佛戒
一切衆生禁
十六分無倫
成就此忍辱
方便不可極
常為專志定
無請定三昧
得佛之尊行
善學於善權
其行不可知

於捨施無量
至誠命為一
無限無有量
學不學緣覺
忍辱悉盡極
逮成不退轉
悅可辟萌類
無亂善謹慎
逮無礙智慧
淨土今成就
以佛印見印
志性何所療

功德常無盡
禁戒高無極
等遊若虛空
及不退轉戒
遵修無所生
精進無限量
精進為太仙
普見一切行
淨除所覩處
慧飛度無極
遵修于道行
積行無邊際

歸化于衆生

諸聲聞緣覺

一切魔異學

緣不能及知

大人之所行

彼不著諸行

感動神足定

解空無所有

皆講逮所興

來過而出生

示現佛形像

坐於佛樹下

則轉于法輪

普現諸國土

面見十方佛

譬若如日月

等遊于虛空

示現取滅度

隨信樂大乘

不違失斯印

其印不退轉

無限如虛空

智慧普若斯

不退轉之法

曉了道如斯

於是寶女說此頌以不退轉印時三千大千

世界為大震動五千菩薩得不退轉受荊之

印世尊則歎彼寶女曰善哉善哉快說斯言

能演菩薩不退轉印

寶女所問經大乘品第十二

於是賢者須菩提白世尊曰唯然大聖如今
斯女不退轉印而見印矣不復疑也乃能有
斯如此像類上妙辯才也設不尔者無緣講
說若茲深法佛言如是須菩提誠如所云如
斯寶女不退轉印而見印矣以逮法忍乃得
入斯大乘之行於時寶女前問佛言所云大
乘爲何謂乎佛告寶女所謂大乘弘廣之乘
慰撫一切衆生之類故無有陰蓋示現一切
衆德異慧故離垢之乘捨諸塵勞窈冥事故
普照之乘一切所解脫門相故顯曜之乘無

欲著故隨因緣乘脫所罣礙故清淨之乘護
戒品故等善住乘而諦慎護定品之故無漏
之乘撰慧品故解脫乘者照解品故等視一
切諸法乘者曉了度知見品之故不進退乘
攝十力故無懼乘者四無所畏師子吼故無
所往至離處乘者攝受諸佛十八不共殊勝
法故普平乘者等行慈心加衆生故無害乘
者則以正法抑制一切諸外學故消除乘者
降伏一切魔官屬故寂滅乘者壞塵勞故降
化乘者伏陰魔故離限乘者越死魔故殊勝
乘者棄天魔故豪富乘者則能具足施度無
極故無熱乘者戒度無極則具足故棄怨乘

者忍度無極則具足故堅無壞乘者進度無
極則具足故斷除一切諸所自在瑕疵之乘
者心離陰蓋故所修乘者寂度無極則具足
故一切善德一切智慧世俗之事度世之法
所遭乘者智慧無極則具足故普御隨行一
切乘者權度無極則具足故至無至乘趣滅
度故歸安乘者建八路故其所至到無處乘
者遵修奉行觀寂之故根力覺意具足志乘
者一切諸魔及諸異學無瞻顏故四神足乘
者則能普現諸佛國故等能超度正諦位乘
者蠲除一切諸不善法遵修衆行德善法故
善修謹慎意止乘者無內怨故假使不者三

界乘者奉無漏故不著有爲諸界乘者速得
無爲顯曜界故不捨道心御善任乘者不樂
一切聲聞緣覺所行慧故超越乘者則能施
以無見頂故莊嚴乘者功德成故選擇衆生
志性乘者究竟慧故闡門乘者所可祠祀無
所逆故一味乘者等佛慧故洪音乘者十方
聞故一切諸天普禮乘者善修業故釋梵四
王所歎乘者德無量故其有慳貪能施乘者
爲元首故若有犯禁施慧戒乘者謂大乘故
志懷瞋怒施忍乘者不加害心於衆生故其
懈怠者施精進乘被堅固鎧未曾捨故其亂
心者施禪定乘令心調定業仁賢故其邪智

者施正慧乘博聞解故慧施衆安除苦患乘
不造一切衆惡之故佛之聖道無罣礙智無
等倫慧所示現者皆處一切諸乘頂故以是
之故爲大乘也佛講說此大乘義時万二千
人發無上正直道意口說斯言吾等亦當乘
斯大乘今無數人衆生之類皆使得立於此
大乘於是寶女白世尊曰唯然大聖其大乘
者有何塹路而不疾歸諸通之慧佛告寶女
行大乘者有三十二罣礙塹路以此塹故不
疾得成諸通之慧何謂三十二樂聲聞乘一
志緣覺乘二求釋梵處三倚著所生淨修梵
行四專一德本言是我所五若得財寶慳貪

愛吝六以偏黨心而施衆生七輕易戒梵八

不念道心專精之行九瞋恚之事以為名聞

十其心廢逸十一而心馳騁十二不求博聞十三不

察所造十四貢高自大十五不能清淨身口心行

十六不護正法十七背捨師恩十八棄捨四恩十九離

堅要法二十習諸惡友二十一隨諸陰種二十二不

勸助道二十三念不善本二十四所發道意無權

方便二十五不以殷懃咨嗟二十六寶二十七憎諸善

薩二十八所未聞法聞之誹謗二十九不覺魔事

三十習持俗典三十一不肯勸化於衆生類三十二

馱於生死三十三

是為三十二事違失大乘墮于塹路其墮塹

路不能疾成諸通之慧又復寶女其學大乘
之威神德以此之乘墮于塹路所以者何其
於斯乘有為之穢不如所乘為大乘者則墮
塹路若以於彼無為之德如斯行乘為大乘
者名聞之德計於彼乘於如來心即為塵勞
一切不順於斯大乘悉墮塹路其於斯乘著
如來覺德稱之故如是乘者大乘之德故墮
塹路是故寶女菩薩大乘當棄塵勞所慕法
乘以斯之法致淨大乘當習此法思惟奉行
合斯恢弘何所是法致淨大乘有三十二法
致淨大乘何謂三十二於諸衆生無請之友
故真諦究竟為他人故志性堅強遵修衆德

行不以馱至德成故心無憤亂志性淨故其
身清淨威儀禮節無想念故口言清淨言行
相副故其心清淨不捨道心故布施清淨不
望報故戒行鮮潔護犯禁故忍清淨者不惜
身命故精進清淨十力無畏具足故禪定清
淨一切塵勞無雜情故智慧清淨蠲除一切
罣礙之故清淨心者降伏一切衆魔之故堅
固行者度諸願故習諸四恩不捨衆生故於
佛返覆護正法故已不懈倦則能具足道品
法故所聞無馱具聖智故其歡喜者轉加勝
故無慢善聽以能致到無見頂故於一切法
無諍訟者因緣報應所見和故無貧匱者獲

七財故所以不貧由自在故德慧成就不失
通故滅除衆生之塵勞者定於寂然成就之
故如來慧解所變化者具足觀故觀三脫門
所示現者遵修於空無相願故憺怕內者令
諸衆生覺了分別寂然慧故興盡慧者不起
法忍故修行一切諸法要者致受蒞故佛言
寶女是為三十二法淨致大乘說此三十二
事法品典時七万二千天與人皆發無上正
真道意万二千菩薩得不起法忍天於虛空
百万之衆咨嗟歎吒雨於天華鼓諸伎樂各
各舉聲而歌頌曰其有逮聞於此大乘名德
之稱斯等衆生護持建立諸佛之德其聞信

樂生四信以後若執持者審諦奉行復超此功
寶女所問經囑累品第十三

於是天帝釋梵忍跡天王四大天王白世尊
曰至未曾有天中之天乃能善說深奧應義
講斯經典多所導利滅諸陰蓋及衆塵勞化
不順義示導正義以降魔怨棄捐一切諸外
異學揔攝一切諸佛之法是故世尊吾當受
持於斯法典諷誦講說若諸法師攬受奉持
如此經卷歸身手執若在其舍書著竹帛宣
布遠近諸天龍神及捷沓耜若信是經欲奉
持者當令斯神寬弘無役其不悅樂而察陰
蓋當令諦受而使斯等不犯法師不有所

媯於是世尊告天帝釋梵忍跡天王四大天
王善哉善哉諸仁者等汝等乃欲將護法師
曉了志願已能將護於法師者諸仁者等則
爲擁護於正法矣已能擁護於正法者則爲
擁護一切群萌尔時世尊告賢者阿難汝當
受此經卷之品寶女所問正法之典受持諷
誦爲他人說假使菩薩於百千劫而待布施
忍辱者設有菩薩取是經法受則上口而諷
誦者爲他人說建立大哀欲度衆生具足大
慈思惟經法立於忍辱斯之獲德出彼福上
速疾得歸於此大乘賢者阿難白世尊曰吾
尋奉受斯法典已唯然大聖斯之經法名曰

何等云何奉行佛告阿難斯之經法名曰真諦曉了義律達門之品當持又名無量之德發意所說當持如來十力四無所畏十八不共諸佛之法分別諸相菩薩應時遵修法行說不退轉輪印講演大乘當奉持之聚會之品寶女所問當奉持之阿難汝若奉持此法門品為他人說便獲無量名德諸法法之光曜則為衆生建立佛事所以者何是為去來今現諸佛世尊究竟之法佛說如是寶女阿難一切衆會諸天人民阿須倫世間人聞莫不歡喜

寶女所問經卷第四

殷

織長

上

息也

及綱

縵

下莫

官反

如

作

網

鞞謂

膾膾

上

時軟

及頰

車

上

恬

疊

音

瞳

子

珠上

音同

目

紺

青

肌體

上

眾

丙

字

繕

修

上

時

扇

屏

處

上

餅

貪

餉

下

正

評

訊

問

信

秋

行

遂

反

崖

底

上

際

正馬

馳

下

日

反

也

也

也

也

也

也



猪飼順良壽附

織長

息流

及綱縵

下莫官

反正作

網鞞謂

膾膾

時軟

及頰車

上古怙

也豐豐

音尾瞳子

珠上

音同

青暗反

肌體

上音眾丙

字下開

修

上時

反屏處

上音餅

貪餉

下正作

評訖

問音

也秋

下才崖底

上音際也

宜慚塹

七煖反

正馬馳騁


下也信

也遂反

也

也

也



猪飼順良寄附

